



Broj, 01-07-10-51-224/2024
Sarajevo, 3.10.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Alena Lukača, [REDACTED], od 18.9.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

I Odobrava se zahtjev za pristup informacijama o:

- broju osoba koje su po provedenim konkursima u 2021., 2022. i 2023. godini imenovani na pozicije sudija okružnih i kantonalnih sudova, diferencirano prema godinama;
- broju tužilaca koji su imenovani na sudijske pozicije u općinskim i osnovnim sudovima, kantonalnim i okružnim sudovima te vrhovnim sudovima u 2021., 2022. i 2023. godini;
- prosječnim konačnim ocjenama rada ukupnog broja sudija sa svih referata, u općinskim i osnovnim sudovima u Bosni i Hercegovini u 2021., 2022. i 2023. godini.

II Odbija se zahtjev za pristup informacijama o:

- broju sudija krivičara sa općinskih i osnovnih sudova koji su po provedenim konkursima u 2021., 2022. i 2023. godini imenovani na pozicije sudija okružnih i kantonalnih sudova,
- prosječnoj ocjeni sudija krivičara u općinskim i osnovnim sudovima u 2021., 2022. i 2023. godini.

O b r a z l o ž e n j e

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 18.9.2024. godine zaprimilo zahtjev Alena Lukača, [REDACTED] (u daljem tekstu: podnositelj zahtjeva), za pristup informacijama kojim je traženo sljedeće: ukupan broj osoba koje su po provedenim konkursima u 2021., 2022. i 2023. godini imenovani na pozicije sudija okružnih i kantonalnih sudova, diferencirano po godinama; ukupan broj sudija krivičara sa općinskih i osnovnih sudova koji su po provedenim konkursima u 2021., 2022. i 2023. godini imenovani na pozicije sudija okružnih i kantonalnih sudova, diferencirano prema godinama; prosječna ocjena sudija krivičara u općinskim i osnovnim sudovima u 2021., 2022. i 2023. godini, diferencirano prema

godinama; te od 20 tužilaca koji su imenovani na sudijske pozicije u 2021., 2022. i 2023. godini, koliko tužilaca je imenovano na sudijske pozicije u općinskim i osnovnim sudovima, koliko na sudijske pozicije u kantonalnim i okružnim sudovima te koliko na sudijske pozicije u vrhovnim sudovima.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u tački I izreke ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine.

U odnosu na tačku I izreke rješenja pod a), uvidom u službenu evidenciju, utvrđeno je da VSTV BiH raspolaže sljedećim podacima:

Broj osoba koje su po provedenim konkursima u 2021. godini imenovani na pozicije sudija okružnih i kantonalnih sudova: 13 (trinaest).

Broj osoba koje su po provedenim konkursima u 2022. godini imenovani na pozicije sudija okružnih i kantonalnih sudova: 17 (sedamnaest).

Broj osoba koje su po provedenim konkursima u 2023. godini imenovani na pozicije sudija okružnih i kantonalnih sudova: 28 (dvadeset osam).

U odnosu na tačku I izreke rješenja pod b), uvidom u službenu evidenciju, utvrđeno je da VSTV BiH raspolaže sljedećim podacima:

Imenovani tužioci u periodu 2021.-2023. godina na pozicije sudija u općinskim/osnovnim sudovima: 8 (osam).

Imenovani tužioci u periodu 2021.-2023. godina na pozicije sudija u kantonalnim/okružnim sudovima: 7 (sedam).

Imenovani tužioci u periodu 2021.-2023. godina na pozicije sudija u vrhovnim sudovima: 2 (dva).

U odnosu na tačku c) izreke rješenja, dostavlja se podatak kojim raspolaže VSTV BiH, konkretno, prosječne konačne ocjene rada ukupnog broja sudija sa svih referata, po traženim nivoima sudskog sistema (općinski i osnovni sudovi), za traženi period (2021.-2023. godina). Informacija se dostavlja u formi tabele u prilogu ovog rješenja.

U odnosu tačku II izreke rješenja pod a), konstatovano je da javni konkursi za sudije viših sudova ne sadrže nužno informaciju o poželjnom radnom iskustvu kandidata u odnosu na poziciju na koju se prijavio. Takođe, u sudovima sa manjim brojem izvršilaca nemoguće je izvršiti podjelu na sudije koji se isključivo bave određenim referatom, stoga je u ovom dijelu zahtjeva odbijen pristup informacijama.


U odnosu na tačku II izreke rješenja pod b), utvrđeno je da VSTV BiH ne posjeduje podatke o prosječnoj ocjeni sudija krivičara u općinskim i osnovnim sudovima u 2021., 2022. i 2023. godini, imajući u vidu gore navedeni podatak da je u sudovima sa manjim brojem izvršilaca nemoguće izvršiti podjelu na sudije koji se isključivo bave određenim referatom, stoga je i u ovom dijelu odbijen pristup informacijama.

Postupajući po zahtjevu podnosioca, uzimajući u obzir sve gore navedeno, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositelju zahtjeva
2. Odjelu za imenovanje i napredovanje
3. Odjelu za pravosudnu analitiku i izvještavanje
4. U spis

Prilog:

1. Podaci iz tačke I izreke rješenja pod c)

Tabela: Pregled prosječnih konačnih ocjena rada sudija sa svih referata u općinskim i osnovnim sudovima u Bosni i Hercegovini za period 2021.-2023.

| Sudovi | Godina | Prosječna konačna ocjena rada |
|-----------------|--------|-------------------------------|
| Osnovni sudovi | 2023 | 3,8 |
| | 2022 | 3,9 |
| | 2021 | 3,6 |
| Općinski sudovi | 2023 | 4,3 |
| | 2022 | 4,0 |
| | 2021 | 3,9 |

Napomene:

Kalkulacija iz gornje tabele obuhvata samo sudije sa svih referata u općinskim i osnovnim sudovima, dok su iz iste isključeni predsjednici sudova.

Prosječna konačna ocjena rada sudija sa svih referata, ukupno posmatrano po svim sudskim sistemima u Bosni i Hercegovini, za 2021. godinu iznosi 4,1; za 2022. godinu iznosi 4,2; dok za 2023. godinu iznosi 4,3.